



續資治通鑑綱目卷之十二

明 史官陳仁錫評閱

起戊申宋高宗建炎二年 凡三年  
盡庚戌宋高宗建炎四年

戊申

高宗皇帝建炎

二年

金天會六年

春正月金人陷

鄧州范致虛出奔安撫使劉汲歿之京西州郡

皆陷

粘沒喝謀知鄧州將爲行在所命銀术可急  
攻之致虛遁汲分兵守要害自以牙兵四百

登陴。敵至皆歿。鬪矢下如雨。軍中請汲去。汲不聽。遂歿之。初議南陽備巡幸。儲峙甚多。悉爲金人所有。又分兵陷襄陽。均房唐汝陳蔡鄭州潁昌府。悉遷其民于河北。通判鄭州趙伯振。知潁昌府孫默。知汝陽縣郭贊。皆不屈而歿。

**發明**

忘其身者事君之忠。黃氏榦曰。臣子之於君父與生俱生而不可解於心。

劉汲趙伯  
振孫默郭  
贊死節

者也。食人之祿者當任其事。此亦不待智者而後知也。致虛旣知。鄧州則君命之託。不爲不重。民社之寄。不爲不專。金虜臨城。弗克歿守。而乃逃奔。何以謂之大丈夫乎。故書出奔而不言其地。所以言其出走。茫然無知也。劉汲分兵固守。登陴死戰。城陷。

而斃志可尚已故特具官而以全節予之然則劉范之忠邪分矣綱目之予奪嚴矣

垂戒  
深矣

# 金將兀朮犯東京宗澤敗之

好以暇  
好以整

閻中立死  
節

金兀朮自鄭抵白沙去汴京密邇都人震恐僚屬入問計宗澤乃對客圍碁笑曰何事張皇劉衍等在外必能禦敵乃選精銳數千使繞出敵後伏其歸路金人方與衍戰伏兵起前後夾擊之金人果敗怙沒喝據西京與澤相持澤遣部將閻中立郭俊民李景良等帥兵趨鄭遇敵大戰兵敗中立死之俊民降景良遁去澤捕景良斬之既而俊民與金將史

死節

丹心貫日  
誰不感動

姓者持書來招澤澤皆斬之。劉衍還金人復入滑澤部將張撟往救之。撟至滑衆寡不敵或請少避之。撟曰避而偷生何面目見宗公力戰而死。澤聞撟急遣王宜往援已不及因與金人大戰破走之。澤以宣知滑州金自是不復犯東京。澤得金將遼臣王策于河上解其縛問金之虛實得其詳遂決大舉之計召諸將謂曰汝等有忠義心當協謀勦敵期還二聖以立大功言訖泣下諸將皆聽命金人屢戰不利悉引去宗澤復上疏請帝還京曰臣爲陛下保護京城自去年秋至今春又三月矣陛下不早回則天下之民何依戴不報澤威聲日著敵聞其名常尊尊憚之對南人言必曰宗爺爺

**廣義**

分注載宗澤對客圍其其與謝安矯情鎮物同一機也雖然澤之器局功業無愧于安而高宗又非晉武之荒淫然一則不能雪懷愍之耻一則不能復徽欽之讐其故何哉蓋論其不能盡君道則高宗固無晉武之失德論其信用讒佞踈斥賢輔則一而已此晉之所以終于東而宋之所以終于南也

# 金人破永興軍經略使唐重欽之

婁室旣陷同華詣州遂圍永興時京兆兵皆爲經制使錢蓋調赴行在重度勢不可支以書別其父及金兵圍城重與守臣會盟死守而經制副使傅亮以精銳數百奪門出降重

唐重等八人死節

韓浩朱廷傑死節

遂與副總管楊宗閔提舉軍馬程迪提點刑獄郭忠孝等八人俱死。

**發明**

夷狄亂華天下極否唐重書生能死於所事其視當時擇利叛主者則有間矣故綱目亦書而予之也

## 東平軍較孔彥舟作亂渡淮寇黃州

彥舟聞金兵將至山東遂帥所部劫殺居民燒廬舍掠財物而南渡淮犯黃州

## 金人陷青濰州

訛里朶使闖毋攻濰州知州韓浩率衆死守城陷與通判朱廷傑皆力戰死浩琦之係也

# 王淵招張遇降之

遇焚真州遂陷鎮江府王淵招降之以其兵萬人屬韓世忠

## 竄內侍邵成章于南雄州

伏待亦知  
上賊之奸  
而高宗不  
悟昏迷極  
矣

時所在盜起汪伯彥黃潛善匿不以聞成章上疏言二人必誤國帝怒除名編管南雄州

**發明**

朱子曰忠面勿誨婦寺之忠也是時所在盜起汪黃匿不以聞是欺其君

也成章閩人尚能忠君愛國上疏極諫怒而竄黜謂之何哉詩云旻天疾威敷于下土謀猶回遘何日斯沮謀臧不從不臧覆用我視謀猶亦孔之叩高宗值草昧之秋

正憂勤之日、何故惑於邪謀、而不能斷以從善乎、然則閹人猶知惡惡、當時宋廷諸臣何爲阿諛苟容、而不急救正者、耶故竄成章、而以無罪例書、不予其以無罪而竄之也、若以閹人之故而遂昧其書法之公、烏足謂之綱目哉、



觀成章此舉、其與童貫梁師成豈可同日語哉、綱目不表而出之、其亦等

於閹寺矣、語曰、不以人廢言、此可見書法之公也、

# 以劉豫知濟南府

豫景州人、爲河北提刑、金人南侵、豫棄官、避地真州、張慤薦之、起知濟南、時盜起山東、豫

不願行請易東南一郡  
執政不誅豫忿而去

**發明**

劉豫奸邪非可用者茲因人薦起知  
濟南觀其易郡之心則其不忠可見  
矣他日竊據中原貽禍宋室尚誰  
咎哉書之所以志宋失濟南之漸

## 二月河北盜楊進等降于宗澤

楊進衆三十萬與丁進王再興李貴王大郎  
等擁衆各數萬往來京西淮南河南北侵掠  
澤遣人諭以禍福悉招降之有王善者河東  
巨寇也擁衆七十萬車萬乘欲據京城澤單  
騎至善營泣謂之曰朝廷危難之時使有如  
公一二輩豈復有敵患乎今日乃汝立功之

秋不可失也。善感泣曰：敢不効力，遂解甲降。

# 金人陷淮寧知府向子韶歿之。

金人晝夜攻城，子韶率軍民固守。遣人詣宗澤乞援，未至城陷。金人欲降之，子韶罵不屈。遂爲所殺，闔門皆遇害。事聞，賜諡忠毅。淮寧初陷時，楊時聞之曰：子韶必死矣。蓋知其素守云。呂中曰：當建炎之初，河北惟失真定等四郡，河東惟失太原等六郡，其他固在也。李綱招撫經總之事，旣沮，故當時無連衡合從相援之勢。虜兵方盛，又非一州之所能敵。旣破一州，又取一州，使忠臣義士守孤城以待盡，豈不惜哉。

**發明**

歿節必書勸徇國也子韶之守淮寧  
悉力固禦及其城陷奮罵不屈始與  
唐之張巡許遠同符而合轍者矣向非君  
臣之義暴白於胸中者臨難詎無苟免之  
失哉綱目特揭而書之于冊者所以褒忠  
臣表節義而爲萬世臣子不忠之戒也

和州防禦使馬擴聚兵于真定五馬山奉信王

榛以總制諸砦

擴奔五馬山砦聚兵得上皇子信王榛于民  
間奉之以總制諸砦兩河遺民聞風響應。

金人寇熙河都監劉惟輔逆擊于新店破之隴

右都護張嚴追戰五里坡敗歿

婁室旣陷永興鼓行而西秦州帥臣李積降虜勢益張引兵犯熙河經畧使張深遣惟輔以精騎二千人禦之夜趨新店金人恃勝不慮黎明軍進惟輔舞稍刺其帥黑鋒洞胸墮馬歿虜爲奪氣深更檄張嚴往追之嚴追婁室及鳳翔境上銳意擊賊至五里坡婁室伏兵坡下嚴與曲端期不至徑前遇伏戰不利死之

**發明**

逆者因來而拒之之謂追者已去而躡之之詞曰逆擊曰破之所以予惟輔也然張嚴拒虜而死其忠可尚表表在人無可疑者曷爲不書死之而書敗死蓋

行師之道當慮萬全以順則吉從逆則凶  
故易曰師左次無咎張嚴嗜功輕進陷虜  
計中而次師徒撓敗輿尸而歸何益之有  
是時金革彌興斯民塗炭天下之生靈能  
幾何哉嚴不審利害輕進取禍而使三軍  
肝腦塗地是不知左次之義功既無成身  
亦難保豈不深可惜耶故不以全節予之  
貶而與邀功生事者同例其責備之意盖  
可見矣

金粘沒喝焚西京而去三月翟進復之詔以進  
爲京西北路安撫使

粘沒喝聞張嚴東出自河南西入關以援婁  
室盡焚西京廬舍擄其民而北時韓世忠以  
所部萬人受詔赴西京捉殺盜賊粘沒喝復  
留兀朮屯河陽以待之翟進得以其衆復西  
京粘沒喝道聞嚴歿遂  
自平陸渡河歸雲中

## 知中山府陳遘爲其下所殺金人遂陷中山

陳遘以死  
守中山

中山受圍三年城中糧絕人皆羸困不能執  
兵知府陳遘欲盡括城中兵力戰部將沙振  
潛衷刃入府害遘及其子錫等十七人振出  
爲帳下卒所殺摔裂之身首無餘城陷金人  
見遘尸曰忠臣也歛而葬之

**發明**

遂者繼事之詞，上書陳遘被殺，下書金陷中山，則是中山猶足拒虜，未能遽陷，因遘歿然後陷之也。則遘之徇義爲何如哉！特書其下殺者，旣嘉陳遘忠於所事之美，復著宋人不能救援之失，其義亦深切而著明矣。

# 夏四月金兀朮復入西京翟進擊走之。

兀朮率衆來攻西京，進與韓世忠迎戰而敗。世忠被矢如棘，力戰得免，乃收餘兵南歸。兀朮入西京，進復集鄉兵與戰，屢敗之，殺其將翟海，乘勝入洛陽。金人帥懷孟蒲衛之衆復至斧門而人進與巷戰，金人引去。時兀朮等聞粘沒喝渡河，亦留兵戍河陽，并還。

金婁室寇涇原經略使曲端使吳玠擊之婁室

敗走同華

婁室旣破張巖勢益張引兵寇涇原曲端使  
吳玠逆擊于青溪嶺士殊死鬪大敗之虜遂  
東走  
同華

石壕尉李彥仙復陝州。

金人得陝用降者守之使招集散亡時彥仙  
保三砦屢敗金師破其五十餘壁以計復陝  
州及絳解諸縣事聞詔  
彥仙知陝州兼安撫使